

ԽԱՄԻՆ
ԲՈՒՆԴՅԱՆ



Ար 2

Բ 81

Բ $\frac{70403 (989)}{701 (01) 75} \cdot 137.75. «Տ»$

Թաթուլ Բուրլյանը ընթերցողին հայտնի է «Արևի մտերմություն» և «Կիսված գիշեր» ժողովածուներով: Ներկա ժողովածուում ամփոփված են հեղինակի վերջին տարիների խոհական, հայրենասիրական և սիրային բանաստեղծությունները:

© «Հայաստան» հրատարակչություն, 1975

ԿՈՄԻՏԱՍ

1

Գամ տքնությանդ պարիսպներին նորեն,
Բոկոտն գամ
Պատարագեն վերևում,
Աղավնիներ վայրի,
Երգեն, որ քեզ չմոռանամ:
Քո բառերով բացվեմ,
Քո բառերով փակվեմ,
Հաշվեմ քո երկունքի հին խազերը, հաշվեմ,
Առասպելվեմ նորից,
Ու խորանամ՝
Շրջեմ քո մեջ որպես գինովացած պատրանք,
Թե քնանամ հանկարծ,
Ինձ արթնացնես:

Դու իմ ճանապարհին
 Ճակատագիր եղար,
 Ես գլուխս խոնարհ ցած արի քո առաջ,
 Եվ քո խոսքերի պես
 Անձրևը հորդ եղավ,
 Ավազաններն իրար համբուրեցին:
 Իմ ձորերի նման
 Դու խորունկ մնացիր
 Եվ քո կածաններում
 Ես ինձ գտա:
 Առանց քեզ այդ երգը ես ինչպես գտնեի,
 Եվ մտքերիս բեռը ինչպես թերթևանար:
 Եվ կանգնել եմ օրվա ուղիղ կեսին,
 Բոկոտն եմ կանգնել
 Բարձունքներիդ առաջ,
 Իմ հավերժող երգ,
 Իմ նոր ծնունդ: